

伊濱集卷四

七言古詩

陽春曲

楊花濛濛海波白十里香風飄紫陌流蘇寶幃金陸離
漢家帝子朝天歸蒲萄重錦新勅賜蓬萊宮中綠衣使
道傍縮首觀且避蹀躞玉鞭光照地大隄綠樹啼嬌鴉
知是平陽公主家回首畫橋芳草暮蝴蝶不隨春色去

元

王沂

撰



楊花宛轉曲

妾乘碧油車即乘青絲騎相逢狹斜道楊柳著花未遲
遲度紺幃稍稍逐蘭珮宛轉結深情歲鞋含密意游絲
絆得陽春暉乳燕銜將何處歸翡翠輕裾承不著寶環
纖手捧還飛合歡金縷結未已馬蹄聲斷鳴珂里鳴珂
芳草綠離離楊花依舊逐游絲游絲掛在空虛裏莫道
春心無所似

杜翁八十歲

陽曲杜翁八十年雙瞳點漆眉紫烟鹿皮裁裘鳩刻杖
見者疑是山商仙問翁康強何以然年未五十嗜欲捐
養生有道不鍊鉛安心有法不坐禪清時壽域開無邊
承家有子才且賢諸孫亦復相後先斑衣竹馬來翩翩
長軒奧室羅芳鮮自適其適全其天更知守一歲且千
此語不信莊生傳

題竹溪

山家有田不種玉長林橫陳萬修竹紅塵千丈定不到

秀色一川差可掬山人獨立清若鵲時聽溪流響琴筑
豈無摩詰畫輞川亦有昌黎序盤谷林泉真樂自有餘
塵世虛名顧何足他年拄杖我敲門煮笋堆盤釀新熟
送蕭性淵縣尉

蕭郎本是將家子部曲^當年散如水錦囊故物有焦尾蕭
也與之共死生北上彈琴峽中道瀉出流泉言語好龍
沙萬里躍馬歸青袍風吹白於草江頭雁落春蕪碧
小試腰間大鳴鐃酒酣夢著塞垣事雪擁穹廬深一尺

只令人物方渺然英豪誰識郭通泉袖中正有霜鍾摻
天上應傳劔篇

題郭熙山水

不知造化初此山誰開坼峯隱羣山深路盤兩岸窄始
信郭熙手力與造化敵巒溪淋漓潘谷墨妙處不減營
邱筆愁雲慘澹萬里迎陰壑闌干千丈水杖筇荷擔者
誰子袖擁兩耳如寒蠅雪深茫屨迹易滅前溪渡頭鳥
飛絕人生胡為不自逸歲晚崎嶇行作客剡曲挈舟興

盡還灞橋騎驢肩聳山書生骨相例寒餓留得虛名傳
世間

襄城道中偶雪

黃雲壓野撥不開天寒日暮胡為來我前雪片大如手
我後搗木鳴相挨地爐圍處燒滑拙灰中笑指蹲鴟熟
田家自有老瓦盆不管北風寒刮骨金絨覆鞍雪不濕
三尺角弓鳴霹靂歸來馬上懸雙狼不管水毳珠的皦
人生適意雖不同鵬鷃逍遙天地中不似襄城城下雪

一段清愁愁殺客

苦雪吟

東風獵獵奪花魄陵轅陽和強飛雪過時舞態自娑娑
入夜寒聲轉清絕糝糊物象偶爾同炫晃晨昏才一瞥
饑鳶失肉坐欲癡驚犬穿籬吠如噓君不見酒闌歌斷
五侯家春光融融面生纈瓦溝急霰珠走盤海犀鎮幃
風揭不又不見擁門三尺素安宅破壁虛牕飛亂屑亘
稽灰紅明復滅僵卧渾忘衾似鐵

題溪山風雨圖

今年西遊出寶鷄羣峯迎人高復低秦山森列古環玦
渭水摩蕩青玻璃前林慘淡風雨急元氣淋漓收不得
淙流浩浩懸縞素山澗層層失紅碧回瞻縹緲烟霧中
飛樓峽榭如爭雄若非祈年橐泉觀定是五柝長揚宮
獰飈掣蓋嗟行旅苔磴敬滑畏如鼠欲將筆力狀竒絕
只恐山靈驚妙語歸來京洛厭風塵開卷洒然醒我神
澄懷寂聽追所歷竟欲濯纓溪水津南陽君臣歌玉樹

畫工筆諫昏莫悟江風掇屋醉不知珍重山人詠漁父
為施淳民題臨本郭熙山水歌

崇寧一片郭熙山淪落人間感流轉分毫隱顯別清妍
千疊峰巒坐中見葱籠雲樹只重重世間春風幾度逢
怪石常存犇壑勢幽泉微露出山蹤綠竒挹勝茅亭小
亭下清江自縈繞諸峰斬絕出陂陀天矯蒼松立塵表百
尺絲綸一釣舟石蘭斜對路悠悠山色自多朝暮趣
江流不盡古今愁郭家名筆誰摹寫鄒氏山房絕蕭洒

伊濱集卷四
臨流點綴入精微意態神情豈其亞施君之筆良足稱
畫樓粉壁時相親長歌一曲丹青引莫道今人愧古人

送陳舜咨

北風吹雪山欲奔擁裘坐馬愁鷺蹲觸寒歷險來特特
杯酒談笑回春溫我方學道畏壘北晏坐已入不二門
築垣昔曾聽山鬼灑筆今解憎王孫丈夫事業抗浮雲
紛華剝落真實存長松老矣更添節甘井汲多終不渾
恨君不識謫仙人恨我不識岑徵君鳴臯山前一相見

詩愁又滿梅花村

雪後遊陸渾山宿鳴臯寺感事

窮山作吏聊隨世為愛伊濱可人意由間野水弄明滅
木末晚山橫紫翠陸渾坡口天下稀閬州城南之所愧
折葦風生鴈雙起平沙雪淨鳧翁睡我本江湖釣竿手
漁子蘆人不須避紫芝著宇無復見持正文章誰記得
生前偶落山林牢身後不同金石碎山川難得人更難
勝槩名流今兩致千載那知我亦來登高不墮羊公淚

身似轉蓬安稅駕事如嚼蠟都忘味長疑安石恐不免
何似孫郎遂初志日暮招提陳薄飯夜闌禪榻成良寐
不將妙語記曾遊只恐山靈厭人至

戲詠南山土風

羣山奔騰南相望萬馬同秣爭低昂危途中盤香一髮
俯視欲作寒蠅僵澗流初疑蒼兕吼烟起忽作青蛟翔
峽空僅容孤鶴度川行或可千人藏桃源之山隔塵世
菊潭之泉多壽康茅茨日暮照空翠竹牖天寒搖水光

驅驢木杪販麻客挾矢林間圍獵郎地爐堆獸爇石炭
瓦罍號蚓烹芸桑村醪未溫和鹿血餅餌半熟分能肪
登高放目不可制長劍耿耿倚大荒大荒物皆得所記
我胡為乎獨遑遑膠膠擾擾浪自苦物外日月來不忙
伊靈丐我一片石他年刻此囚山章

大風

東君染花滿春國飛廉妬春奪花魄黃塵瀟瀟暗白日
天為花愁救不得大川揚波水柱立羣鴉驚呼半空黑

長紅小白一掃空乞與游絲數千尺

秋風吟

征鴻歷歷明秋序遠客翩翩適何許馬頭黃葉落四五回
首青山欲飛舞登高障袂望所思思君不異瓊樹枝江
南王孫歸不歸羅衣不奈秋風吹

題青山白雲圖

青山偃蹇幾今古時出白雲相媚嫵巖紅澗綠紛變滅
川靄林霏雜吞吐道人昔卧山中雲歲晚去作人間雨

紫薇華發春晝閒思逐芝田鸞鶴侶

題醉客圖

生不願為鄭廣文亦不願為灌將軍斫頭何用知程李
擊節空歌有鬼神願從圖畫四君子日日杯中尋妙理
倒冠傲兀亦不惡奮袖低昂聊復爾美人行酒爾莫催
而我肯顧尚書期碧梧影倒黃金壘身世悠悠兩不知

玉印歌

茂陵石馬寒嘶風神光貫月如長虹偶同玉碗出人世

蟲篆螭盤能爾工將軍漢廷功第一至今姓名昭白日
摩娑欲剗三歎息人壽安得如金石

題牧馬圖

一馬色若霜前草逸氣欲無千里道一馬不受青絲掣
黑雲滿身四蹄雪二馬欲並意態閒石壺瀉水清潺湲
三馬同秣性各適齧聲洶若江聲寒就中一驄精爽緊
白駿礮磊蒲萄錦龍媒豈獨照夜白赤驃青驪皆絕品
長髯奚官相顧語檢校羣牧新開府溫涼宜適調御工

早晚東封禪梁父疾藜沙苑秋復春得見畫圖猶竦神
只今豈無駸裏與麒麟烏呼空老駑駘羣

題真妃玉笛圖

開元垂拱治無為朝退華清日晏時傳詔梨園停百戲
親調玉笛教真妃雲鬟綽約蛾眉小怯寵矜恩氣浮香
一曲清平樂府詞宛轉遺音動天表芍藥輕風拂御筵
無人催喚老龜年紫鳳低徊雙闕下綵雲繚繞百花前
當時行樂深宮秘萬歲千秋不相棄今日人間看畫圖

關河風雨雁相呼

題張生蘭谷圖

山人昔隱溪一曲紫蘭猗猗滿幽谷山人今遊冠蓋場
不采而佩蘭何傷黃塵急流烏帽底故山朝朝白雲起
有時洗手對桐君坐覺秋芳清在指擬欲擬欲贈同心
日暮徘徊幽思深披圖武夷忽在眼擢歌激冽動長林

和賈參議題松風

道人墨瀉金壺汁老腕怒奮蒼髯吸坐令高堂之素壁

滿耳松聲水聲急龍宮採詩作步虛素娥起舞波神立
鈞天廣樂奏未終含毫欲下鮫綃濕

食筍

野人餉客無長物只辦行厨入脩竹眼明初識玉嬰兒
胷中會著篋當谷我昔老禪同一龕玉版宗風曾飽參
苜蓿盤中重相見洛西風味如江南同谷饑寒杜少陵
五陵放逐高將軍山寒黃精不堪劇地暖野薺空如雲
我今流落心不動一笑聊呼麴生共果然口腹能累人

夜來忽作西湖夢

過古陵

古陵纍纍隱復見春草平鋪綠初遍高原日落風欲旋
金蠶自眠飛玉燕路人指是唐家陵石馬欲走牽寒簾
牧兒朝來掘夜鼠山鬼夜半偷漁燈道傍荒墳誰氏子
寒食年年來掛紙清渭東流未云已卻憐麥飯寒泉水

題山水圖

山邪雲邪低復高勢若鉅海翻波濤石林寶帳隱靈寺

石磴黃帽雲霜袍落花香澗引猿飲長松流風驚鶴夢
烟霞彷彿仇池山制度依約桃源洞鴨頭漲綠環亭臯
似聽鷄犬相鳴號畸人朝挂牛角帙釣叟暮移魚尾舫
不知世間有此境便欲歸畊田二頃青門學種故侯瓜
丹巘欲栽董仙杏三年博士冗不治壁水冷冷明鬢絲
塵埃老我薊門道山中日日生瑤草

茂陵

玉塔苔生履聲絕桂苑芳銷宮漏咽君王起望集仙臺

方士靈香海上來九華帳深蘭燭冷是邪非邪影非影
含毫抽思賦難工坐聽梧桐落金井茂陵松柏陰連空
蕭蕭石馬寒嘶風青禽消息天上斷玉輦歡遊泉下同
春草淒淒秋復歇金鳧影沈銀沼竭空餘海燕蒲萄鏡
夜夜神光射明月

過魯山別賈尹公溥

南陽之道何盤紆西風老樹鳴相呼魯山之山解娛客
松聲尚作于為于行人十有八九癯女寬裁襟濶男領

驚聞老芋登客盤喜見紅薑供煮餅紫芝騎鯨去不返
琴臺蕭條白日晚小留我欲弔前賢為報吟鞭不須挽

玄巖石硯為柴舜元憲僉賦

漢江有奇石磊落太古色淘沙相薄蝕歲久露巖穴幸
免女媧手練之補天裂不逢卧龍公取補八陣缺江妃
水仙不敢惜夜夜黑雲蔽明月江頭繡衣使偶見喜且
驚繡衣昔草子雲經置之几案錫嘉名坐令書幌間縹
緲烟霧生願君結交如此石味如元酒與太羹

遊德亭宮訪真人周脩然故隱壬辰間兵動居民
多避地山間虎為害周拘囚之民遂安堵山中有
飲虎盆尚存

黑山之山天下雄高崖巨壁摩青空至人昔此巢雲松
獨立世外揚元風霧霧暗山兵亂起錦服霜矛雜蜂蟻
丁男失耒女兒啼連邨頃刻無全理居民若有所見然
移家盡入桃花源誰知山祇大失職猛虎山前搏人食
吾師哀民被不祥笑談約束如驅羊一朝仙去若鷄犬
空有爪痕留石牀我因王事事幽討白雲猶封鍊丹竈
千秋鶴馭望不來天寒日暮山更好

贈答海都督

安西健兒速如鬼萬騎飲乾菊潭水羨君談笑淨妖氣
幕上啼鴉報空壘南陽老父如雲屯豐碑深刻昭奇勲
青史先書段太尉城都不數花將軍

過獨石廟

落星何年化為石羣峰不敢爭長雄蒼蘚鱗皴動古色

荒祠慘澹來陰風鶴馭朝回仙子駕鮫綃夜織馮夷宮
憑誰喚取昭華管吹入遠烟空翠中

射周圖

元旌獵獵搖清秋將軍醉擁烏貂裘雙飛點破暮天碧
彎弓欲射仍遲留奔星一發馬前墮驚看玉爪黃金眸
歸來快飲軟臂酒呼鷹却笑劉荊州

桃源圖

祖龍蕩覆蓬萊池仙人不誦祈招詩武陵自有建德國

桃花只恐秦皇知春風幾見花實成老幼熙熙不相失
人間安得盡花間環海一家歌帝力長溪錦浪翻晴空
丹崖翠壁烟濛濛正朔誰知晉朝歷衣冠尚有秦人風
重華杳杳瀟湘浦虎踞鯨吐天下主千秋無復問主人
青山盤盤自古今

赤壁圖

玉堂仙人雪堂客夜汎扁舟遊赤壁世人欲殺了不知
卧聽中流風月笛清都採詩鶴駕過江妃起舞襪凌波

向來哀樂真夢幻舉酒屬客君當歌千年曹瞞等螻蟻
一為周郎醉江水江水悠悠萬古流坡翁時復騎鯨遊

題風漪亭

風漪亭前何所有下蔭菰蒲上榆柳魚龍鼓瑟清夜聽
鸞鶴焚香來白晝吟詩往往逢木客拏艇時時過溪友
栽桃未用悲歲換種杏政須煩虎守烟嵐滄鬱沾几席
琴筑鏘鳴奏斬牖知魚濠上果何樂抱甕漢陰天所壽
何當即山山下坐濯足清流搔白首

題草蟲圖

老蟾睥睨登月窟爬沙脚手軟無骨遊蜂官府亦偶耳
朝暮兩衙自倉卒小蝸之涎不滿殼升高胡為怒雙角
飛來蝴蝶占春風彷彿莊生夢中樂牽牛欲飲河之許
螽斯子孫乃如許眼前萬物總生意我欲拋書為老圃

題畫馬圖

園人攬衣行且顧驂騑掣韁痒摩樹長松歲晚褪龍鱗
種蘭當門思古語

洛士張起宗緱山陳公之甥也善畫馬過余求詩
書此以贈

遠遊翩翩何所適老鷹叫霜伊水白滿衣黃葉驢背客
袖有龍眠天馬筆君家汲直天下奇渥洼原本麒麟兒
歸掃緱山讀書舍九原韓幹非吾師

一百五日行

一百五日春晝遲伊瀆人家烟火微相^逢十九癭纍纍
見慣何曾羞掩衣東風吹草綠如洗舊墳新塚皆相似

牧兒驅羊下丘隴知有人家來裂紙紙錢那得到黃泉
老鴉結巢高樹顛死生常事夢一覺何用服藥求神仙
青山司馬不須泣共藉梨花作寒食三家邨市醉爭席
兩鬢塵埃人不識

伊濱集卷四

伊濱集卷五

七言古詩

妬女祠

關頭妬女祠
古屋高亭亭
靚粧袿服過
其下徃徃霹靂
來青冥翠髮
鬢隱隱玉佩
泉冷冷曉月
吐粧鏡晚風
羅畫屏與誰
周躡鳳凰去
玉宇瑤塔常
不扃人間歲
月如流電迴
頭試望昭陽
殿爭妍固寵
幾多時飛燕
婕妤俱

元 王沂 撰

不見

題趙子昂畫馬

龍媒來自月窟西誰其牽者虬髯奚雙瞳紫焰竹批耳
一團黑雲錐卓蹄吳興學士畫無比筆迹遠過龍眠李
雄姿不受絡頭絲滿紙蕭蕭朔風起公今騎鯨去滅沒
世上有誰憐駁骨安得幽并豪俠相往還短衣射獵藍

田山

月堂為賀醫賦

賀生早飲上池水心如秋空絕塵滓紫蓋峰南結屋居
囊中探丸起人死長安市上識韓康宴坐歸來月滿堂
江上誰能聽瑤瑟山中應許得金漿

雞嘆

清晨有雞步庭除朱冠蒼距秀尾舒投粟不啄鳴向余
豈欲臆對如鵬乎我生羽族五德俱風雨如晦而不渝
驚君貪眠旦讀書胡為以我充庖厨我生曾不餓鴟如
奪攘不愧為人驅填腸滿嗉誇自呼摩空唐突羲和鳥

彼不彈射我自圖我獨何辜君何愚

題劉彥昭杏林春曉圖

閒看杏林蔓柯條每到春晴花最嬌
彩雲終日淨如拭絳雪有時吹未銷
檢方清潤浮書度接席繁陰落酒瓢
舊遊回首已十載杏實累累須見招

馮陽驛

山迴江轉流百折山翠蕩摩江色淨
羣飛野燕低掠水獨立晴鷗閒顧影
居人十九癭累累見客何曾羞掩領

鄉音巴蜀雜咸秦而我聞之不能省

送武秀才還湖廣

衡岳之峰七十二祝融特起摩青冥
連巒疊嶂妬奇秀盤屈怒作蛟蛇形
噓雲吐霧埋不得空翠飛飛落洞庭
武生家居洞庭上湖水為沼山為屏
橘洲種樹等千戶石鼓讀書窮六經
焚香白晝鸞鶴下鼓瑟清夜魚龍聽
一朝結束催客丁思與衆人朝滄溟
含毫擬獻上林賦置醴亦厭侯門鯖
東華塵土紅撲帽夢寐汀洲蘭芷馨

腐儒老眼千年青遙看南極老人星
安得酒舫載酒行
長與酒徒共醉醒

車麟麟

車麟麟易水濱恩澤侯竄南州南州迢迢千里道雄虺
呼風搖毒草朝盤蜜唧暮鴿鷓瘴霧著人人易老昔日
朱門炙手熱金紫童僕姬姜妾烹羊魚羔易折葵墮珥
遺珠輕掃葉一朝旣起蹈危機上蔡無由黃犬歸金籠
鸚鵡喚新主畫閣美人猶故衣故衣空憐香未滅肯信

繁華有消息君不見湘江斑竹有餘痕竹上斑斑竟誰
血

題李遵道枯木

孤根偃蹇蟠厚地廉蔭千年有生氣叢篁瀟灑勢拂雲
王謝諸子超人羣李侯筆端妙如此坐我小山烟雨裏
安得天風來萬里仙槎快泛銀河水

送上清張叔大鍊師東還

芒碭王氣浮天闕真人乃在圮橋間功成往事赤松子

心與浮雲如等閒上清億劫元教起坐引諸天黍珠裏
昨聞仙子御風來自著山中紫霞綺東海塵飛二十年
仙凡消息兩茫然守關暗識青牛去渡海春逢白鶴傳
五陵八百遺仙記思欲攀天問天帝三尺青萍手可提
一品銀章肘先繫笑把芙蓉花相期訪蓬島不見河上
公室懷橘中老昌明治世龍漢秋倏往來倏往應難留月
明後夜碧天淨笙鶴送爾緱山頭

太古樓為余鍊師賦

道人鍊質同蟬蛻回頭甲子焉能計曾見彭聃嬰孺時
解記軒轅以前事願憑黃鶴寄短書借我縹緲之仙居
安得霞殮野服長健八千歲著書細說天人初

虎牢關

孤雲兩角如劃布中有長天懸足素關頭一上眼豁開
漢殿秦宮皆可數太行之青遺塊小下視黃流一絲裊
乾坤勝槩無古今一笑英雄如過鳥長謠我欲問真宰
世事茫茫幾成敗君不見三分書裏說虎牢曾使戰骨

如高山

老胡賣藥歌

西城賈胡年八十一生技能人不及神農百草舊知名
久客江南是鄉邑朝來街北暮街東聞擲銅鈴競來集
居人相見眼中青不似當時答_木丁師心已解工名術
療病何煩說難經江南只今成樂土異代繁華復親覩
全家妻子得安居篋裏青蚨夜還數燈前酌酒醉婆娑
痼疾疲瘵易得瘥金絲膏藥熬較好傷折近來人苦多

川船南通有新藥海上竒方效如昨眼中萬事不足論
流寓無如賈人樂

題李後主畫山人騎牛圖

君不學嵩山劉屯田鐵笛牛背吹雲烟又不學廬山陳
處士目送飛鴻坐牛背問君胡為偃蹇牛背眠結草為
轡衰為韉山童抱琴走如鹿溪溜沒膝衣鷄懸南唐天
子畫無比深宮畫長雲夢水揮毫寫出逸人容清標照
耀澄心紙期人太淺陋相如妄謂山澤儒皆臞安知有

伊洛集卷三
道樓草野食雖不玉顏長朱繁華已逐西風盡空餘建
業文房印淒涼天水柳枝龍白鴈江頭有霜信

發福昌望女几山弔辛敬之

竹雞喚雨催遊人提壺勸客意最真連昌宮中一杯酒
不負落花啼鳥春東風忽來吹女几翠縷參差為誰起
不見能詩辛老子卒與老饑相抗死清時亦有郊島窮
况乃天地兵塵中書生糠粃苦不足朱門蒼頭飽梁肉

李子實八十

李翁眼碧眉紫烟見者疑是商山仙庭前花發三荆滿
膝下衣裁五色鮮畦蔬可茹泉可釀冠蓋時時問無恙
青鞋野服步履輕不要漢家靈壽杖

題古愚遠碧樓

峴山鱗鱗翠初洗勢若濤瀾低復起秋高水落衆峰出
野曠烟消數鬢委嵐光分流與尊酒秀色浮空來席几
先生久厭承明廬晚歲重紬金匱史肩與不復用門生
結屋于茲有兒子駟馬歸來延福里倚闌琢詩萬事理

溪流可釀為翁壽絕勝南陽菊潭水

春江釣者

白鷺洲頭春水生青山倒影碧波明
閒門却掃流塵靜
深樹似聞啼鳥聲
漁舟蕩樣持竿久
世事茫茫不回首
釣得金鱗換酒歸
夕陽正照垂楊柳

周博士伯溫次韻見示和以答之

硯紋女髮綠新洗
硯質女膚滑凝水
海犀壓紙風不起
妙語縱橫能泣鬼
子官中秘覽羣玉古
意清風如可掬

畫闌鹿眠香草軟
繡簾燕掠飛花感
經帷舊講思無邪
裏蹠新鑄丹砂穴
好陳聖主賢臣頌
莫讓淵雲來漢家
老夫南望江上屋
只有歸田賦堪續
買舟留詩供一笑
有人定憶顏光祿

瑤玉盤螭歌

我有雙盤螭文藻光
陸離是非蟾肪昆吾刀
瑤法精妙曷以為世無
李伯時解作洗玉池
又無呂與叔能辦璜
與璆貫之雙帶祇自奇
豈惟比德古君子亦可借題君

王詩

別外窩禪寺

四山如城勢如束一徑蜿蜒入穹谷林端縹緲浮斷香
知有招提映深竹山僧深見客若麋鹿揭炬夜開方丈屋
談空煮茗欲忘眠月轉金盆掛喬木朝來鐘磬亦多情
餘音送我遠益清自憐踈拙招物議敢厭榮華疲山行
青山勸汝一杯酒問我他年更來否

送項可立歸養天台

林鳥返哺朝陽枝倚門手取連環持木奴青黃屋角垂
遊子心驚懷橘時有親七十世上稀况君抱得明珠歸
斑衣兒啼真樂在擁笏垂魚徒爾為愛君德器温且厚
藍田烟霧生瓊玖安得赤城瀑布變春酒為太夫人千
歲壽

燒山

羣峰峩峩錯鯨齒頑寒鬪扇冰脫指猙獰折樹怒未已
黑雲壓山山火起初疑夜過古戰場走燐出沒秋草黃

又疑兵散井陘野萬馬赤幟隨低昂倏如斜陽下喬木
江浦魚燈相斷續諸姨紅袖照驪山齊如錦帳歸金谷
長烟遙遙橫楚氛怒焰烈烈奔吳軍炎官播弄水飛怒
九輪照燭乾坤焚窮蛇上木不遺力驚鷲穿雲勢何急
熊羆相弔獵夫喜桐梓哀鳴山鬼泣紛紛飛燼隨西東
回首咸陽三月紅怪同燃犀弔牛快渚若照燕焚吳宮
陸渾仙去文章伯千載風流冷如鐵怪詞險韻吾未能
物色分留愧逋客

蜀禽

林端錦鳩鳴逐婦林下竹雞啼喚雨遠認丁丁啄木聲
近愛關關栗留語提壺只解自獻酬畫眉雖工誰媚媿
何年失國號郭公何帝遺魄為杜宇姑惡怨出誰氏夫
婆餅憂焦誰氏女夏雞侵曉促耕夫山狗臨湖警行旅
惜無拓彈落鴈鴉恨不雕籠落鸚鵡山鴉澤雉雜羣鷓
百族喧啾誰復數林棲澗飲性各適雄飛雌從了朝暮
豈惟清美巧音聲亦復爛斑好毛羽老夫萬里蜀道歸

馬上新修蜀禽譜

泥滑滑

泥滑滑山鳥啼馬蕭蕭人未歸
聲聲喚起風和雨高柳
畫橋西去路回頭忽憶去年時
老盡行人路如故

送春詞

黃金臺下東西道紫燕吟誇金勒好
長溝漾情情不盡
碧草迷人易老樓上迎春又送春
却鞦兒女嬌翠顫
一聲鶉鴉鳳城曙滿眼芳洲生
白蘋柔柔繞舍麥如尾

錦雉將雛梅結子為問歸耕江上田
何如但索長安米

澆石硯

天孫染雲綠初洗剛風吹落熙河水
龍工呵護睡不起
探頷適遭西域鬼昆吾寶刀利切玉
秀色可食潤可掬
隋宮百斛分黛螺何以文君一嘔感
侑之黃金古辟邪
土痕隱隱凝丹砂那知建業文房物
流落灤江好事家
翰林夜半光射屋廣文高詞韻莫續
校雙喚取劉更生
定有青藜照天祿

白翎雀

白翎雀龍沙漫漫生處樂醒鬆共愛語言好瑾瓌誰憐
羽毛薄霜威稜稜風力緊飛飛不過槍竿嶺結巢生子
草棘間雌雄相依寒並影梨園子弟番曲譜歲歲年年
兩京路慣聞清哢雜好音旋理冰弦移雁柱寫出新聲
玉指勞真珠落盤鈴撼絛坐令華筵之四壁灤河流急
秋雲高從此流傳喧樂府爭買千金北鸚鵡雕籠雖好
無常主時向北風念疇侶

又詞

烏桓城邊春草薄草際飛鳴白翎雀年年馬上聽好音
疑是羶車響絃索南風吹雲沙磧涼飛塵不到紫游韁
芙蓉金照晴川迥芍藥紅翻灤水香灤江已過猶回首
華堂美人將進酒酒酣忽作馬上聽紅蓮袖揮曹剛手
廬陵解先生之子子元見示詩卷因次韻

交遊聚散如團沙忍使白壁生微瑕賓鴻自顧好儔侶
猛虎莫恃雄鬚牙乃翁臯比坐談道根極理要遺浮葩

泮宮要看富芹藻茅屋未許隣烟霞賢即早歲事著述
經學奧妙窺永嘉娛親自有筆五色長身鵠立衣猶麻
天門九重見明主彤庭左右皆驚嗟京華旅食厭葱韭
江國歸思多魚蝦垂天佇化北溟翼老圃莫種東陵瓜
他年懷綬拜家慶小窗夜雨燈先花

送紫虛道人

紫虛道人羽為裳骨如削石瞳碧光鳳凰城裏秋風起
龍虎山中瑤草長燕齊方士皆與友賣藥得錢即沽酒

手持青竹或成龍自種靈苗時化狗飄然忽賦太山吟
南望白雲深復深坐令京洛塵土底似聽石泉風雨音
問君胡為樂枯槁富貴輕塵棲弱草世人如鹿死無魂
安知海上如瓜棗

高空山人

高空之山多仙靈山泉可釀田可耕烟消日出紫翠橫
彷彿羽蓋揚霓旌高空山人世簪纓玉壺滿貯冰雪清
風流不減謝內史翰墨欲壓山元卿今年七十髮未白

宵中梨棗裁已成焚香永晝鸞鶴下橫笛清夜蛟龍驚
碧蓮供吸酒過客或騎鯨便令呼麻姑共謁王方平握
手一笑三千齡撫頂何勞授長生

壬寅紀異同劉以和賦

壬寅仲春天雨雹南平城中盡驚愕初從屋瓦亂奔騰
散人階除更跳躍兒童不識挽衣盛兩兩相看恣相譁
老來閱歷憂患餘却顧兒童淚雙落春秋各微不一書
茲事班班宛如昨自從兵革十年來瀕洞風塵亘沙漠

奮當車轍小物為天理何嘗宥元惡竊聞李郭收西京
元氣依然萃光岳旄頭夜夜燦中天風虎雲龍聖人作
嗚呼風虎雲龍聖人作吾徒勿憂在溝壑

房公湖

房公昔年為刺史日日湖邊看湖水琴中不識董庭蘭
觀過亦足知君子漢州修竹綠如雲落落相看有此君
兒曹謗傷等蟬沸逸氣自是超人羣我行金鴈橋西路
綠樹啼鶻怨春暮叩筒拍拍貯鶯黃一醉房公舊遊處

題明皇幸蜀圖

華清朝披霓裳舞日晏漁陽動鼙鼓潼關烽火起驪山
玉輦西巡劍門路劍門崢嶸高切雲長安不見見烟塵
嫣然一笑侍君側腸斷昭陽第一人巴雲冥冥上亭驛
羽蓋低垂翠華濕鈴聲琅琅雨聲急宮嬪不眠內官泣
君王起坐寫新聲明珠玉佩相和鳴鮫人綃梭夜停識
山鬼倚樹愁天明弄兵祿兒帳下死神器潛移遽如此
高將軍去侍臣稀往事欲言誰與理秦陵野草凝荒烟

蜀山春樹多啼鵲教坊花氏闕真譜惆悵側聲今不傳

由東綿虎坳至浪川望石人嶺阻雨留宿田家

臘月南薰吹度關我行始識東綿山篁牙連峰雜雲樹
蔚若虎豹文采相斑斑奔湍噴壑雨外急惡鳥啼晝林
之灣泥路滑滑傷旅顏晝移木坑始歇息午飯未已仍
躋攀前登虎坳險有客壠上還息肩弛擔問鄉井更說
前途方險難荷戈壯士揭竿南蠻當關守禦迺為國而
我遠道蒲伏何時間山風薄雲山雨惡石人嶺頭石鑿

鑿僕夫跬步不可以徑升下有豺狼上黃鶴豺狼攫人
肉黃鶴翔寥廓我獨栖栖風雨中足繭荒村竟誰託田
夫曉出夜未歸田婦呼兒慰牢落瓦盆酌酒酒數行籍
草歌眠散腰脚山中雲重浮嵐寒身上濕衣猶未乾今
人學古事干謁歲宴先歌行路難

伊濱集卷五

伊濱集卷六

五言律詩

試院中聞簾官張雄飛賦詩甚多分題得春草賦

送孟功郎中使淮南

二月青門道玉驄驕不行和烟迷上苑隨水遠蕪城日
極傷離別情多管送迎相思定相寄佳句夢中成

馮氏藏書堂

元 王沂 撰

蕭條門巷靜時有客停輪所得寧煩計相過莫厭頻共
香清辟潤書帶細搖春自笑揚雄僻誰云郭劇貧

送袁達道

諸生都養久列郡用才先白髮占烏鵲清江照畫船東
陽好山水憲府富英賢慎路持冰蘗還應力薦延

送范悅古

燕市多奇俊歸心獨浩然朱雲辭吏日賈誼上書年春
綠蘆溝草江回楚客船知才不能薦敢恨坐無鱗

送苗天澤

從師古云樂話別意何如司馬雖工賦兒寬本受書涼
風下黃葉秋水媚紅葉燈火橋門夜新詩定起予

送符生

遊子三年別雙親八十稀好風吹畫鷁春水照斑衣長
樂鐘聲斷蘆溝樹影微我無懷橘日空望白雲飛

送揭理

京華為客久不是賞音稀書未投光範詩先賦式微涼

風驚畫扇江水照斑衣莫道行裝薄驪珠滿袖歸

賦風

靜追蘋末興况復值蕭條猛勢資新鴈寒威伴暮潮過
山雲散亂經樹葉飄颻今日烟江上征帆望望遙

題蘇伯春風亭

退食青瑣闥委蛇嘉樹林如何試春服還此集華簪庭
草皆生意園禽自好音寥寥千載上俛仰會余心

月庭為孫伯昭賦

朝出塵如霧歸來月滿庭名高三語掾食厭五侯鯖碧
漢雲歸淨金莖露未零壯懷銷鐔盡偏照髮星星

生日次楊自樗姑夫

無限劬勞感潛然涕泗零桑弧今在戶萊服舊趨庭齒
豁榮何益家貧險盡經徒存心耿耿有愧鬢星星

輓蕭處士遠心

江左衣冠族家傳復過庭城空新化鶴窓冷舊囊螢西
漢儒林傳南州處士星階前蘭玉滿袞袞繼芳馨

挽王端卿處士

風吹隨流水烏木自夕陽
窓前書帶草林下德星堂
編簡尋真味巖花散古香
淒涼鎮山路松柏暮蒼蒼

除夕

沙路燈成市衙門雪擁籬
茂陵新病後梁父獨吟時
落浮波瓠傾輸向日葵不憂
雙鬢改惟恨鈍如槌

過劇閣

危棧羊腸轉羣峰馬齒齊
崇墉專地險足練覺天低
俯

矚金牛北雄吞玉壘西
連林青不斷流與子規啼

峽山次陳心吾

病酒知更早推篷爰月亭
千林動涼吹數葉下秋汀
峽近深防虎沙昏亂照螢
殊方思妙藥愁醉只長醒

仁齋為醫者郭成甫賦

燕處仁為表淳風坐挽還
寶方懸肘後陰德見眉間
焚券長安市求仙太白山
文園消渴久歸思滿鄉關

送陳萬里之四明幕官

衆樂昔曾別蓬萊亦可求
邦君能坐嘯幕府得名流
溝港通魚市雲霞雜屋樓
因君一回首塵土滿貂裘

八十老人

鳩杖鹿為裳龐眉兩鬢霜
鶴巢新種樹龜息舊支牀
自得安心法寧論却老方
思榮新賜帛大勝摘中藏

送僧觀外

龍去千山兩花開萬樹春
幽禪端有味瘦影本無塵
會見螺吞象方知獸有鱗
馬師瞞不得龐蘊語非真

題解馬焦縣尉詩卷

驛吏傳呼定驂騑顧主鳴
牧羊憐卜式上疏笑梅生
芻秣寧無法溫涼要適平
誰分駕與駿騰踏入神京

廖子謙廣文席上次韻

城中九日過家釀報新開
偶就陶公菊因同鄭老杯
鷄肥緣黍熟鱸美及橙來
莫賦停雲句應須踏月回

送簡西碧尹桃源

龍門登早歲鳧鳥化今朝
縣古仙源近城荒楚戍遙
莎

廳移案牘葦屋半漁樵別後書頻寄清淮入兩潮

書事

暮四朝三裏乾啼濕哭中間爭腐鼠天外起冥鴻價
重咸陽市名高稷下宮元經何日草寂寞笑揚雄

竹澗亭

聞說軒車過新亭醉墨存硬黃臨古帖空翠落清尊老
節題詩遍春流洗硯渾烟霞興蕭散難與俗人言

題楓溪圖

秋色醉紅樹晴嵐蒸白雲何人事結構於此脫塵氛野
屐破苔色輕梳生水紋仙源如可到鸞鶴定平分

書感

學荒虛度歲客遠苦思親未得平安報空驚物候新向
來甘絕俗不是故違人好在墻根草青青又一春

嘉陵道中

蜀道朝逢雨蕭蕭意轉迷江沙留虎跡山木護猿啼古
棧緣崖小陰雲傍水低春禽正堪聽莫惜錦障泥

旦日口占

朔日逢丁卯王正寅階紀甲莫天上早池草雪中春城郭回
佳氣衣冠失舊人貪貧甘守拙垂老遂為民

曉發

曉發搶竿嶺緣雲路杳茫驚颺振巖壑明月在衣裳擬
欲起千載從茲覽八荒悠然晴景豁木葉滿山黃

題彭叔介負郭茅屋圖

負郭幽棲處林陰見草堂采樵躋鳥道垂釣踏魚航樹

擁山雲濕泉流石髓香亦知清景好來往未能忘

感興

古逕苔衣積晴窓竹影侵市聲塵午枕幽興寄雲林問
字人攜酒敲門客抱琴急材聞聖世休效越人吟

送張掾之官河西

含香辭粉署躍馬過涼州野迴牛羊小天低帳幕桐清
朝行名用雄鎮要分憂細酌蒲萄酒寧愁前路修

遊東山

為愛東山好還思蜀道行玉裁筇竹杖雪縷芋魁羹會
法參禿率遊仙夢玉京江波正西望沈聽杜鵑聲

寄張順中四首

醉寫烏絲紙狂披紫綺裘時^無李供奉誰識董糟印月照
清伊曉風生碧樹秋天津橋畔柳定拂酒家樓

薊北花先發周南草又青許有甘藷落懷友惜飄零擬
就窪尊飲重看布被銘只愁清潁水照見髮星星
金匱書成晚銅駝迹已迷憶同池上酌曾向壁間題仙

子能騎鶴山翁解祝鷄無才裨盛代有意學幽棲
子住雒橋邊堂成祀十賢何由薦蘋藻每恨隔山川牲
就蟠螭繫書憑過鴈傳伊流清見底誰覓孝廉船

蘭蕙心圖

澤國多芳草藜生亦可憐餘香留楚佩幽思入湘絃按
譜雖同族為容各自妍滌河秋水濶疑問過江船

題霍山寓隱

長揖漢公卿攜書隱澗坳朱雲堪作吏貢禹最明經書

報新來鶴囊乾舊聚螢相期高晚節不盡太行青

幽居

客思渾無賴開窓忽見山數峰青嶂出千里白雲還溪
鳥恰飛起野花相對閒浮生百年內消得幾愁顏

同劉槎翁蕭朋起朋漢西華望月

雲散出西華秋清月色賒光涵珠斗淨影抱玉繩斜河
迴槎孤汎崖陰樹半遮如何今夜裏星彩聚仙家

題嚴甥元齡松軒讀書圖

憶爾幽軒好耽書久未逢高科懷五桂喬木愛雙松流
水池邊路浮雲戶外峰世家元不黍力學待昌榮

送推官之嘉禾

攜李民多訟君行總法曹南州雖地遠東海要門高霜
橘明千樹仙禽啖九臯一麾容出守吾亦問吳舫

送黃汝舟推官高郵

高沙為郡遠城下客檣多笛弄揚州月珠游覽社波漁
樵民易足雲水氣相和他日觀為政扁舟試一過

由東湖入鄱陽出大孤

艤棹轉東湖
泓流出大孤
地方原跨楚
王業久興吳
山掩重瞳廟
沈沙八陣圖
萬邦歸職貢
風化憶唐虞

平潭驛中秋

晉國閩河在
秋風木杳成
叢祠誰命爵
野鳥自呼名
又是中秋節
其如倦客情
太行今夜月
還似去年明

喜蝶

翳葉身如醉
迎風勢便狂
娟娟輕傳粉
栩栩暗偷香
橘

蠹忘前夢蛛絲闕
後防殷勤收墜翼
羣蟻為誰忙

送舒亦城歸江南

碣石山中客
青門道上歸
泉甘供釀酒
霞綺可裁衣
迎棹慈鴉舞
啣書白鶴飛
回瞻丹鳳闕
雲氣轉霏微

題太湖烟雨圖

垂虹亭上望
烟樹辨三州
悲嘯魚龍夜
青黃橘袖秋
水綃誰解寫
畫鷁我曾游
忽動南歸興
同盟有白鷗

夜次荻巷

泊舟臨荻港敗葉響蕭蕭汀鳥翔春浦江豚落暮潮榜
人魚未散吟伴酒初因識將軍令轅門夜寂寥

滎陽郡夫人輓章

崇德瞻華表滎陽憶故侯名卽麟一角熟歲橘千頭萱
草空華屋杯棬共此邱懷清高百尺鬱鬱見松楸

送遼陽學正歸覲

四望遼陽遠身疑化鶴仙向來文學掾今日孝廉船烏
哺無窮意駒馳有限年夜闌更秉燭細說舊山川

送學錄永年

泮水集羣賢才華獨妙年定因文學掾為覓孝廉船能
賦推王粲明經引服虔西風正搖落此別意茫然

旦日詠山茶

王氏鳴珂里山栽舊所栽花從新且蒞根是昔年培綠
潤疑雲度紅深受日來春風故相惜歲歲長條枚

馬伏波廟

諸將中興日遺思獨在民空頭憐晚歲板壁誤功臣古

伊洛集卷之六
殿松陰冷空塔草色新雲臺圖畫好廟食更何人

秋懷四首

飄泊五秋螢無人問獨醒遙空孤鳥白平野數峯青望
遠心猶壯懷人涕自零丘園他日事艱阻飽曾經
朝曦窺破牖寒鵲下空庭爽氣回青女清愁伴客星呼
嶸高木影寂寞晚花馨不以牆根草依然滿地青
入夜雨聲急開門落葉深風霜氣敗絮塵土暗孤琴飄
泊嗟吾道艱虞識此心囚山成底事時得一閒吟

客子歸何晚山城歲又窮寒砧催短日老木受高風憂
患身如寄塵埃鬢欲蓬江南天一角回首羨飛鴻

沙嶺

沙嶺千層出擅車一字齊馬啣青首管人唱白銅鞮野
曠青烟直天遙落日底回首丹鳳闕祇在五雲西

送傅生還汶陽

塵土貂裘黑閑山木葉黃秋風吹汶水歸客問吳航虎
穴能無子龍宮別有方會者文學國重舉孝廉

小莊道中

客路千涯裏春風二月中
虎蹄荒徑少鶯語故鄉同
澗水縈迴綠山花自在紅
物華空滿眼去意只匆匆

福州稅提舉張君輓章

小試征商上佳城忽滿前
白雲空故國丹旄濕蠻烟
旅櫬蛟螭護音容繪畫傳
唐城東去路春草綠新阡

幽居次夏伯黃

歸來千里道寄遇百家村
編竹通幽逕分葵藝小園農

談隣好密琴操土音存
即事成今古相逢免雜言

送客

野水危橋缺荒榛古路通
殘陽明樹杪孤客去山中
蹄鳥橋秋浦落花飄晚風
離愁雜清思悵望但匆匆

遊青原山次陸太古謝子方二首

送客淹螺浦尋增問鷺峯
水流通雪竇谷響雜霜鍾
靈跡雙荆樹香風五鬣松
追隨成信宿感爾意重重
躡雲來駐錫拓地此安禪
曾讀傳燈錄因參不二天
松

陰城四合雲影塔孤懸消歇同人世憑軒思惘然

徐安節輓詩

白髮歸來晚黃花又幾秋衣冠悲故國英俊意同遊投
轄苔生井藏書月滿樓漢濱耆舊傳準擬為君脩

李霽峯輓詩

夢覺義熙年歸耕海上田青雲子虛賦白首廣文錢故
宅悲江令諸儒引服虔幽光發潛德妙語碧瑤鑄

題張仲舉贈桑文饒詩後

桑也有仙骨潛名醫藥中饑吟十日雨客夢幾秋風賴
有酒堪飲初無文送窮好將青白眼留看送飛鴻

膏藥韓康伯能詩張景陽世紛空落木句法挾秋霜杖
履飛烟下聲名韓墨塲往來成二老休負菊花黃

青燈同夜雨貂帽共霜寒旅思寧無惡歸書但說安瓊
林勞遠夢仙鶴養修韓聖代求才急終期拭目觀

白石化羣羊仙家自有鄉草玄甘寂寂作賦問蒼蒼江
路梅堪折山橋酒可嘗雙溪今夜月千里定相忘

人生逐羣動何路脫塵氛鸚鵡新題賦麒麟舊獻文顏
垣猶擁雪怪石自生雲鳴鳥將春信殷勤報客聞
世態浮雲變心源水鏡空時時書咄咄往往視夢夢磊
落千年上汪洋萬折東梅花知我意的皜露椒紅

雜詩

寂歷疎花晚盪紆小逕連寒村明白水野寺起青烟三
北非余恥一癡終自憐歸期何日是山月幾回圓
歲晚難為客地偏宜放傭城鴉驚戍鼓隣婦鬧村春水

落山排闥籬荒竹附庸不村甘懶散何去復何從
曲曲高都路茫茫伊許田雲低明去鴈野濶退飛鳶故
國思千里君門隔九天窮途莫回首一望一悽然

題孝義詩卷

為惠非求報辭官只為親養松無觸鹿汲水有窮鱗潛
德誰如子聞名願卜隣他年班馬筆汗簡表恥人

大孤山次鍾舉善韻

聞說揚瀾好春船更一灣江豚乘水上野鶴落雲間勝

景疑三島靈祠俯萬山若逢王子晉笙鶴定相攀

和王君寬暮春旅次詩韵

我欲留春住啼鶻苦勸歸捲廉看雨過倚杖數花飛鳥
几書推蒲衡門客到稀夢中江路香好在釣漁磯

心遠亭

物外青霞想山中白板扉有時捫蝨坐舉目送鴻飛自
笑身將隱寧論世與違閑雲分半席誰道客來稀

又題心遠亭詩和孫老人韵先君視之曰先陰花不

若易作花帷以對萍蓋為功蓋予初言花陰三面合
故也鄉邦盜賊偏野傍城墟回想心遠何勝

悵然

步履西郊曲幽懷得慙攄花帷三面合萍蓋一竿餘意
悟前修近言忘世味踈不須厭塵事塵事亦無如

送河東教授

聞說河東縣絃歌比屋聞路徑榆次驛山隔太行雲玉
署間憐我新詩寫送君灤河烟草綠離思亂紛紛

伊濱集卷七

七言律詩

次張雄飛王君冕倡和詩韻二首

繡衣光照錦城春
肯忘吾家叱馭人
別後有書傳白鴈
夢中無路駕蒼麟
江回灑瀕波浮蜀山
入函關樹拂秦
何日東華聯轡語
苦吟應怪鬢毛新

黑頭天陞共收科
猶憶城南攬轡過
十載低昂回羽翮

元王沂撰



幾人存沒隔關河
秋風畫扇情中斷
曉鏡娥眉妬更多
聞說著書堆滿室
長安不見起悲歌

和魏伯詩韻二首

霜洗長空兔穎纖
素娥青女曉粧嚴
畫樓燕子年年別
金鴨沈烟夜夜添
鴈嶺宿雲低似蓋
龍岡秋草瘦於髯
屬車未覺清塵遠
却為登臨野興兼

羶車一字捲珠簾
別館離宮禁籞嚴
白海波聲秋後小
赤城雲氣曉來添
農疇已溢如京望
萍實仍聞似蜜甜

身愧甘泉陪法從
獨騎羸馬走山崦

和蘇伯修侍郎平材暮歸韻

長楊冠劍列仙曹
咫尺清光未覺遙
賜履初辭青瑣闥
鳴珂又過赤闌橋
紫駝負鼓移天伏
蒼鶻翻鈴響碧霄
莫道都人新禁火
焚香夾道聽蕭韶

和許參政寄懷吳宗師韻四首

蓬萊仙伏正排徊
扈蹕年年宰相來
慣見龍沙連白海
却吟紅藥與青苔
雲扶豹尾班才上
日轉螭頭講未回

準擬相逢又初度菊潭供釀待華開

遙望文星過上台長楊從獵未歸來名駒顧影窺丹鳳
宮蕊飄香點綠苔賜酒滿浮金鑿落歌鬟低按紫雲回
只今燕市求奇駿東閣懸知早晚開

看雲老子立徘徊黃鶴銜書雲上來曾約相車遊紫府

何妨蠲屐破蒼苔仙花又向庭中落宮水還縈苑外回

一讀新書思清壯如將圖畫坐邊開

廣文華髮厭低徊驚見仙翁鶴馭來函谷關遙橫紫氣

草玄門靜踏蒼苔何時宣室承釐後更約浮邱把袂回
塵世茫茫誰與問秋風琪樹又花開

秋興

龍岡高處望涼亭山勢東來供帝京雖愧藁鞵嚴宿衛
也將歌頌答昇平御溝風漾鮫綃軟宮瓦烟開翡翠明
院吏熟眠花影轉日長鈴索靜無聲

銅雀觚稜倚九天非烟非露滿山川天津析水星槎上
五柞長楊禁籞連雲氣有時成翠幄野花無地著金蓮

詞臣擬上東封頌
扈從今億萬年

漢漢秋雲覆苑低
九維烏上女牆啼
露從僊掌金莖白
枝老珊瑚鐵網齊
遙認車聲時輕輓
莫令溝水自東西
相如擬草長門賦
勝費丹砂鑄裏蹄

壽宏毅和韻有酒筒花擔之句再和答之

賭酒金錢坐列曹
風光南陌本非遥
花香不隔歲蕤瑣
柳色深藏宛轉橋
駿馬有時嘶舊路
游絲無力下晴霄
天津偷得新翻曲
肉味都忘不為韶

羽林弓騎亦分曹
楊柳春旗一色遥
風送落花低逐馬
水隨芳草暗通橋
鸞旗捧日為雙闕
絳蠟分烟下九霄
病眼自憐張太祝
衡門孤坐聽簫韶

王善甫郎中見和鄙韻賦此答之兼簡夢得君冕
二同年

昔別髭生今鬢蒼
天風吹雁不成行
山河政自驚存歿
鳧鶴寧須較短長
杯面晴光搖蟻綠
華枝春意轉鸝黃
相逢未久還相送
和我新詩字字香

終南山色曉蒼蒼
鷄犬新豐自作行
倦客獨憐春又過
故人相見話偏長
秦宮土在花摧碧
蜀道梅時雨弄黃
準擬重來一樽酒
竹萌衣解蕨芽香

慶壽詩卷

封事當年皂囊歸
來雙鬢點吳霜
風塵丹轂多春夢也
籬落黃花自晚香
醞酒尚能留好客
擊鮮時復溷諸郎
漢家靈壽誰堪杖
早晚蒲輪召孔光

薛子敬母慶壽

貴及親闈古亦希
况逢化日正舒遲
老策耀彩慙簪紱
潘岳稱觴之鼎彝
大國進封鸞舞誥
東朝寵錫蟻浮卮
自憐懷橘終無日
南望茫茫涕泗垂

壽胡琴所并酬春日見寄時寓居王宅

投老林泉賦考槃
百年仍具漢衣冠
宅邊五柳歸來種
池上三槐者得^借看
絕俗調高聞白雪
結交契重見金蘭
兒孫總是登雲器
袍笏堆牀積漸寬

華髮森森四十三
不才心事與誰談
驚人詩句君先得

名世文章我亦貪
兩歌溪流初泛綠
雪消山色捲浮藍
興來却憶新菖美
昨暮過從飲未酣

和王繼學題瓊花園二首

琪花瑶草本同科
摹寫詩人費切磋
楚客佩搖明月碎
龍宮衣剪素綃多
玉龜山接三清路
烏鵲橋橫七夕河
莫怪落英收不得
雙環仙子夜來過

天上春風自一科
瓊絲雪蘂巧如磋
花神定品應無二
月姊分香獨占多
已落為雲歸閬苑
初開剪水散銀河

換回紅袖烏絲夢
后土祠前幾度過

過鄱陽湖

東流浩浩遠朝宗
聯絡坤維秀所鍾
山入斷雲迴白雁
波涵落日見蒼龍
英雄埋沒憐今古
形勢開張扼要衝
回望匡廬招五老
紫烟晴瀑界雲松

寄來峯長老

不見旻公又幾秋
碧雲吟罷憶湯休
夢回江上招提境
書寄淮南賈客舟
玉塵尾分獅子座
曼陀花兩鷓鴣裘

伊濱集卷七
當年曾悟身如幻
準擬滄浪沒白鷗

送式上人還高麗

三韓東望渺雲烟
野鶴飛歸不計年
鼓柁海師能聽法
獻珠龍女解參禪
珊瑚樹礙浮杯渡
蒼筤香薰擁衲眠
好把新詩書側理
碧雲佳句要人傳

題山水圖

住近仙家雲錦溪
結樓高與白雲齊
丹崖翠壁參差見
流水桃花咫尺迷
道士養丹清似鶴
山翁愛酒醉如泥

毫端寫出猶竒絕
况復西風一杖藜

答清江劉仲脩

青春詞翰蚤蜚英
白首林泉更負名
好古獨懷韓吏部
交懽曾枉范雲卿
滄江逝水金川靜
錦樹浮雲玉筍清
遠憶瑤琴諧雅操
敢辭學擊節和新聲

送李西溪巡檢

使吏湖山亦自竒
君行况及落紅飛
公庭白日文書少
野店青林笋蕨肥
楊柳風翻沽酒旆
桃花水漲釣魚磯

伊濱集卷八
懸知賦得江南樂笑我緇塵染素衣

送朱生之湖州巡檢

楚客才高不奈秋得官歸近白蘋洲村醪可飲山圍坐
夜柝無聲月滿樓雲水歌傳青雀舫風塵夢斷黑貂裘
鬢絲禪榻應憐我懶向湖亭覓舊遊

送巡檢湖州

著鞭跨馬欲風生絕勝窮年老一經鳴鏑應弦驚雁落
傳杯刻燭賦詩成白蘋洲渚橫秋水畫舫笙歌奏月明

若過湖亭煩寄語三刀未夢添^雪莖

送王巡檢

王郎巡檢赴官時江水江花影彩旗可但彎弓能落雁
仍聞刻燭解題詩青烟古戍人畦菜白日公庭吏奕棋
坐嘯使君端好士薦書應到鳳凰池

送謝仲連之小鹿巡檢

興言攜手過烏衣曾記風流玉雪姿綠鬢同驚今日雪
錦囊各誦昔年詩芳塘草滿春回早古鎮峰多日下遲

伊深集卷八
莫把青衫試鳴鏑要憑征雁寄相思

飛來山

越絕山如龜曝背赴王馬跡白雲中神鯁躍出杯吞海
靈鷲飛來翠插空島露深迷龕影月松聲清和墻鈴風
前身玄度來何暮應悟三生一夢同

除夕示袁仲脩

三年魚鳥笑人頑家在江南幾日還客裏惟君青眼舊
醉中憐我彩衣閒詩成臘酒春燈裏歌斷梅花月影間

夢裏不知歸路遠朔風吹雪滿關山

虎牢關

雙崖突兀引羊腸仰望遙空足素長今古太行青歷歷
乾坤元氣白茫茫英雄底用爭天險真宰那知關後防
回首三分書裏事區區縛虎笑劉郎

和張孟功侍郎監海漕見寄詩

雀眼星郎給一軺銀河路遠鵲成橋吳歌閩語來江島
兩楫風帆趁海潮紫府夢回鳴玉佩珠宮吟罷寫冰銷

伊濱集卷八
只今歲運須劉晏宜有忠言答聖朝

和潘子素寄張伯雨詩

白雲何處是巖阿聞道松聲滿淨窩
京洛風塵人老易江湖秋水雁來多
田園蕪沒須微祿親友凋零半逝波
欲問囊中食玉法相思夜半起悲歌

瑤草年年滿澗阿高人燕寢自名窩
山中丹井龍歸晚雲上仙磯鶴占多
瓦榼尚餘京口酒布帆無恙洞庭波
棹頭巢父誰能得歸聽吳儂小海歌

送秦元之江南

漢家原重廟祠官五載春風玉筍班
華表鶴歸曾有語鼎湖龍去渺難攀
清名瑞世猶周鼎昭代思賢定楚環
莫道江鄉鱸可膾仙人合住道家山

次冲弟子啟僉憲過洞庭湖

黃鶴樓前曙色聞呂公磯上首重回
平湖盡處青天出積雨晴時白雁來
千古戰爭餘舊壘百年歌舞廢崇臺
昔人總逐流波逝猶想清風被八垓

伊濱集卷之
最興聞賜妃入廣次心吾

遠傳天上降宮花重拜丹墀踏御沙憚看鴻飛思故國
嬌羞馬上問誰家珊瑚作枕分龍席錦繡堆牀壓象牙
適意相知馬南北意帛書休寄雁行斜

寄題王子毅望親樓樓與牛山相對

宣溪孝子重彞倫高起書樓遍望親馬鬣早時封若斧
牛山長日淚沾巾梁間歸燕時尋主簾底飛雲每傍人
料得北平親紀事應同家乘勒堅珉

題劉南山翁五世畫像贊

鶴駕羣仙未易招偶因圖像見清標渾山水猶神秀喬
木風霜自寂寥六世衣冠歸盛族百年文物記前朝石
田惆悵蒼苔滿西望長吟不自聊

題周伯溫玉雪波

千樹梅花照眼明主人詩思與同清雲裁野服侵寒暑
玉種高田帶雪耕柿葉滿窗書已遍松肪浮甕釀初成
扁舟莫動山陰興宣室承釐待賈生

送麥敬存檢正湖廣省

黃鶴磯頭春水生蒼龍關下送君行才因朱墨紛然見
詩到江山勝處成蘭省分僚官獨玉堂伴直夢同清瀟
湘無數飛回鴈採得蘋華寄別情

寄王顏隱士

南園分首記當年東郡文星遠避躔機事祇生鷗閣下
徵書不到鹿門邊中困歲取禾三百美酒時煩斗十千
倘憶幽禽能喚客還當留取杖頭錢

和古愚留別韻

細柳南薰拂錦韉路人爭看玉堂仙詩書將揖紅旗下
歌吹生陳絳帳前沽酒何須分祿米揮毫莫惜費吟箋
夢回無漁陽摻猶勝清門聽杜鵑

滎陽道中

橫帶鴻溝底用爭只今春草為誰生一邱貉了當年事
千載槐留後世名牛口谷前途急雨虎牢關上看新晴
成名馮子何勞嘆笑殺窮途阮步兵

七曲文昌祠

夾道松陰護石苔
龍盤七曲上崔嵬
初無瑤席椒漿奠
空望靈旗鶴駕來
棲殿參差雲雨上
江山環合畫圖開
紅綾餅餌當年事
四十人中愧不才

草堂

浣花老翁不可見
浣花草堂何處尋
鸚鵡懼翅錦江岸
鸚鵡將鸚檻樹陰
教飲林塘誰是主
千年韶復有遺音
一盃重酌即筒酒
鼓竹蕭蕭風動襟

題子午谷孤秀軒

手種孤松不記年
終南山色兩蒼然
此枝晚商研硃露
翠蓋春巖種玉田
膏化龜蛇蟠厚地
聲疑笙鶴過羣山
陰崖茅屋誰能到
落實應留待佳客

題涪臺宋壽卿侍御西亭

侍御高懷與世違
秋空惟見一鷗飛
山銜落日浮佳氣
亭遠青松長舊圍
鑿國舊傳多譚論
卜居從此脫塵機
回瞻太白橫秦嶺
獨記澄清攬轡歸

題裴公亭

古木蒼藤翠作圍，裴公亭上立斜暉。
波沉海底珠宮見，雲起峰頭鶴馭歸。
朋輩時看金鯉出，徘徊間送白鷗飛。
欲攜九節仙人杖，直上天壇一振衣。

送陳玉

宮柳飛花滿薊門，河橋猶有繫船痕。
美人欲別重攜手，春水方生易斷魂。
虎豹天閑雲自隔，鷓鴣豚鄉社席還溫。
虞卿莫厭窮愁在，著就新書細與論。

賜履欣聞出尚方，歸來雙鬢點吳霜。
趨朝長樂鐘聲晚，猶夢名藩燕寢香。
八座輝光聯紫極，千年道愛在甘棠。
蘇臺明月清如許，直送鳴珂入未央。

送張蔚

先生行絕入賢閭，名動綺襦紉袴間。
羣空莫北目先過，草長江南人未還。
冰鱗斫膾醒午醉，紫筍烹茶消晝閒。
扁舟安得落吾手，跡看苔溪溪上山。

送張楨

黃龍閑塞雪漫漫馬上貂裘不受寒豈謂細書隨太史
翻令索米困長安舟移彭蠡秋波白樹影匡廬夕照殘
歸帛當年鄭公業旅幄三尺草先乾

送董仲潛

昭明殿上早朝奏^時對聲聞白玉墀鴟鴞班行爭動色雲
霄勳業豈相期燕鴻夜月回清影邱樹春風發故枝明
月尚丹瞻魏闕五雲樓觀鬱參差

送鍾起元

龍岡南去接榆關挾策逢君幾往還作賦風沙鞍馬上
橫經紈袴綺孺閭彩毫曾點官池水白苧時看葦路山
笑我清狂解吳語鑑湖未乞鬢先班

送吳受之

官遊南北馬牛風燈火停雲偶爾同升斗可能留隱史
山川終要著詩翁呼盧竟識袁房道飲酒還逢陳孟公
早晚朝廷聘道逸蒲輪應到大關東

送孫伯起

畫省含香近上台
西江千里聘奇才
山川雄控龍沙潤
機務遙分鳳沼開
帳幕時隨春草動
狐貂偏耐雪花來
只愁誤作潯陽夢
醉聽琵琶句易裁

送陳鑿之

尚鑿乘傳過龍沙
新賜貂裘雪花白
鼻駝驕肥首蒼
青檀帳小響琵琶
長安賞藥誰能識
早苑延賓禮更加
別後相思一回首
五雲深處是京華

送虞愷之

花時寂寂掩衡門
恰在花飛又送君
病眼輕來猶斷酒
故人別後少論文
江波處處明於草
世態年年薄似雲
寄語青城老樵客
藥成金陽幾時分

送劉子節

馬生詞賦曾生年
三語風流到夷傳
朝路衣冠裁鑑密
慶門酥酪弟兄賢
江頭酒醒梅花外
天上書回鴈影前
寄謝邦君惟坐嘯
芙蓉煖府玉堂仙

平陽驛留題

伊瀆集卷七
市烟官樹鬱蒼蒼駐馬城邊望太行楊柳杏花春已半
遊絲芳草日初長山圍晉館千峰翠水灌汾田百畝黃
無奈風沙西去路羅衫銷盡舊煙香

題漢州驛

錦水東來遠故城江干樓閣倚新晴鵝黃怕醉耶筒酒
犀角欣嘗已竹萌可惜海棠經雨盡空看棧樹拂雲生
薛濤風月無人繼誰唱陽關第一聲

拜朱文公祠

武夷不見此心勞得拜道祠解鬱陶喬木春風思未已
泰山晴雪仰猶高扶衰民極同先聖刮垢陳編到楚騷
往事浮雲千變盡不妨江漢日滔滔

汾陰

春寒猶戀紫貂裘楊柳青青古渡頭詞客重來應白髮
好山依舊枕寒流禹門波淨龍吟夜汾水烟消鴈影秋
駐馬回看自多感更須橫笛起高樓


發寶鷄

重闕複棧厭崢嶸
喜見川原掌樣平
猿嘯回看鬼迷店
馬嘶遙指鳳荆城
隋宮漢館依稀見
渭水秦山遠近迎
却是春衣濕梅雨
南薰古道怕塵生

巴東秋風亭

沙陰祠罷濟樓船
豈謂雄才悔暮年
半夜神光飛后土
明朝寶鼎薦甘泉
山河氣壯中原勢
蕭鼓聲沈蔓草烟
今日秋風亭上望
白雲猶是漢時天

伊瀆集卷八



八

